



勇敢个屋簷鳥（南四縣腔）

銃炮響起，車城山頂个阿兵哥在該演習，山下伙房屋簷上有一隻屋簷鳥竇，鳥卵搖呀搖，續出一隻細屋簷鳥，佢等就喊佢安著阿水。

鳥簷鳥阿水一出世就在爺哀辛苦尋細蟲仔含等歸來餵食，像永遠食毋飽樣仔，一日到暗吱吱喳喳，爺哀對子女个照顧係天性，做爺哀个從來毋識埋怨。阿水一日一日大，一直到有一日，爺哀教阿水學飛，仰般學就學毋會。

阿爸就同阿水講：「阿水啊！你係佢等个心肝寶貝！毋過，佢等係這地區最會飛个，每擺飛行技術个比賽佢等係打第一等，每一年會有盡多各種个鳥仔飛來看佢等比賽同表演。」

阿水講：「正經个唷！佢愛同阿爸阿媽共樣做第一等。」

阿媽講：「阿水啊！你還細！愛好好來學飛，將來正會有成就，愛認真煞猛學，知無？」

阿水講：「知啊！毋會分阿爸同阿媽來失望。」

過地無幾多日，阿水个飛行技術緊來緊好。

有一日个臨暗頭，阿水在外背盡暢飛歸來，就大聲喊：「阿爸！阿媽！」

阿爸：「麼个事情呢！大鼓聲緊喊！毋識聽過銃砲聲咩。」

阿水：「毋係啦！今晡日下晝聽講北片有个所在安著臺北，想愛去看哪地。」

阿媽：「吓！你講麼个啊？」

阿水：「想愛去臺北。」

阿媽：「啊哦！阿水啊！你這隻大憨牯啊！臺北係盡遠盡遠个所在咧，你有命好去無命好轉來，做毋得，做毋得。」

阿媽有息把譴。

阿爸：「阿水啊！你愛想清楚看哪耶！臺北係盡遠个所在。」

阿爸：「毋過？」

阿水：「毋過麼个啦？」

阿爸：「你係定著愛去，佢毋會反對，去看看外背个世界也好，毋過自家愛細義。」

阿媽講：「阿水啊！毋係毋分你去！去外背世界看看哪地，係一件好事情，你愛知做爺哀个會愁，知無？」

阿水講：「佢知啊！佢毋會分阿爸同阿媽來失望个。」

阿爸：「好咧！你較早一息睡目較有精神，天光朝晨打早就出發，路上自家愛保重。」

阿姆講：「阿水啊！阿姆心肝肚會愁，也會睡毋落覺。」

阿水：「阿姆！毋使愁啦！佢會細義平安歸來。」

第二日打早。

阿水：「阿爸！阿姆！佢愛去臺北囉！」

阿姆：「阿水啊！你正經愛去？」

阿水：「阿姆！男人志在四方。」

阿姆：「佢會毋盼得，毋知哪久正會看著你。」

阿水：「阿姆！放心啦！佢會遽遽歸來。」

阿姆：「阿水啊！你愛細義哦！」

阿爸：「愛細義喔！佢同若姆會等你歸來。」

就恁呢做爺哀个雖然毋盼得，也愛祝福阿水一路順風。

兩公婆目金金看等阿水緊飛緊遠。

飛！飛！飛！

阿水離開爺哀歡喜愛去臺北就唱起歌仔：

「佢係勇敢屋簷鳥，細細圓身瘦瘦腳，行起路來跳跳跳，嘍嘍喳喳係唱歌，全家大細有禮貌，飛行技術樣樣會，你佢共戴一伙房，大家就係一家人。」

阿水盡暢，緊飛緊講：「佢愛去臺北囉！佢愛去臺北囉！」

阿水飛到西勢文筆亭附近，看著路脣電線頂高企一排一排个屋簷鳥，算起來也有幾百隻，就飛下去看一下。

阿水：「大家好！佢係阿水！」

阿興伯看一下阿水就講：「細猴仔！你好啊！愛去臺北个係你咩？」

阿水：「係啊！你仰會知呢？」

阿興伯：「你言到，消息早就到這地。」

阿水：「佢愛去臺北看看哪。」

阿興伯：「敢好？毋過臺北盡遠呢！也會危險。」

阿水：「佢知啊！毋過佢定著愛去。」

所有个屋簷鳥幹過來看阿水。

阿興伯：「這位有盡多好食个，大家在這歡歡喜喜過日仔，莫去哪。」

阿水：「感謝大家！毋過佢共樣愛去。」

阿興伯：「莫去地啦，在這快樂過日仔毋係盡好吓？」

阿水：「壞勢啦！佢做毋得留下來。」

所有个屋簷鳥拍手同阿水加油，阿水著驚一下。

阿興伯：「佢等係在這位試探你，看你係毋係有心去臺北城。」

阿水：「感謝大家！」

阿興伯：「兄弟啊！準備哦！」

所有个屋簷鳥飛去圍一個圓圈，愛分阿水通過並祝福佢去臺北完成志願。

阿興伯：「阿水啊！這係分你个祝福，你在圓圈飛過去接受大家个祝福。」

阿水：「好！多謝大家。」

阿興伯：「記得哦！向北飛就看咁著下淡水河，你遽遽去。」

阿水：「好！」

屋簷鳥阿水在所有屋簷鳥所圍个圓圈中央飛過，來接受大家祝福向北行。

阿水一路上飛咁恁久，停下來食一下水，洗一下身，看著白鶴仔阿祥就飛過去問佢。

阿水：「阿祥哥！阿祥哥！借問一下，臺北仰般行啊？」

白鶴仔阿祥看一下阿水就講：「細阿哥仔！你愛去臺北咩？」

阿水：「係啊！佢想愛去臺北看看哪。」

阿祥：「後生人有志氣，毋過臺北盡遠呢！佢毋識去過，毋過佢識聽吾公講頭擺佢等識在臺南該片歸陣仔飛來屏東絡食，佢想臺北係在臺南再上去。」

阿水：「係喔！阿祥哥！承蒙您！多謝您！」

阿祥：「佢識向北行，飛到下淡水河該片，你愛飛過下淡水河再向北行再問看哪。」

阿水：「好啊！阿祥哥承蒙你，有閒來吾屋下奈喔。」

阿祥：「好！順行哦！愛細義吓！」

阿水離開白鶴仔阿祥哥後，緊飛看著一條大河壩，心肚想：「這可能就係白鶴仔阿祥哥講个下淡水河。」

阿水在河壩脣歇睏一下，看等遠遠八五大樓做一个方向，就打開翼胛就飛起來，河壩頂高个風盡大，阿水飛起來就相當食力。

阿水用力飛，風就將阿水吹偏走、吹倒退，硬骨氣个阿水毋認輸，臨尾飛過下淡水河，向八五大樓方向飛去。

自從阿水飛過下淡水河過後就變做非常有信心，來到了高雄堵著都市中个屋簷鳥阿順伯。

阿水：「阿順伯！佢想愛去臺北看看哪。」

阿順伯：「佢盡歡喜佢等後生條仔屋簷鳥有志氣，你盡像佢後生个時節來到高雄絡食樣仔。」

阿水：「阿順伯！您生著同佢原鄉个隔壁鄰續有息把無共樣。」

阿順伯：「仰般講？」

阿水：「都市上个屋簷鳥較高較瘦，原鄉个就生著較矮肥。」

阿順伯：「後生人目珠當利囉！將來有前途。」

阿順伯：「阿水，佢同你講都市肚裡个大樓就像山共樣，毋過毋會生樹仔，較無蟲仔好食，食毋飽，目珠想愛看遠尋蟲仔食，自然頸根就擲長，看起來就較高較瘦，好在這幾年高雄環境品質有較好。」

阿水：「係恁呢。」

阿水：「阿順伯！臺北愛仰般行啊？」

阿順伯：「臺北佢毋識去過，這個時節燕仔應該在上背下來个，佢等歇隔兩條路上，去問佢等，佢等係盡熱心會同你搵手。」

阿水：「阿順伯！非常个承蒙你，佢愛遽遽完成佢个願望。」

阿順伯：「你去尋燕仔阿福伯，講阿順伯紹介个，好遽遽去咁，路上愛細義！」

阿水：「好啊！阿順伯感謝你，有閒來佢屋下奈喔。」

阿順伯：「好！好！」

屋簷鳥阿水離開阿順伯去尋燕仔阿福伯，看著恁多燕仔飛來飛去，盡無閒。

阿水：「阿福伯！阿福伯！」

阿福伯：「麼人喊佢啊？」

阿水：「阿福伯！佢係屋簷鳥阿水，屋簷鳥阿順伯紹介佢來拜訪您。」

阿福伯：「阿順？佢恁久好無？」

阿水：「阿順伯身仔還異砸、異康健。」

阿福伯：「恁呢就好，你有麼个事咩？」

阿水將愛去臺北个事講分燕仔阿福伯知。

阿福伯：「就係你呢！你愛去臺北个事在動物界係一件大事情，你愛問路咩？」

阿水：「無毋著！」

阿福伯：「你再向前飛，會看著一條河壩係愛河，河壩頭前公園肚有一座三合院係客家文物館，盡好認。」

阿福伯：「阿水！公園異大，做得休息一暫仔，再向北行。」

阿水：「阿福伯！佢知也。」

阿福伯：「佢順續教你飛个技術，分你增加信心，看清楚。」

燕仔阿福伯在天頂飛也兩圈展出技術。

阿水：「阿福伯！若个技術無簡單，佢有看清楚，感謝您。」

阿福伯：「阿水！好去也，佢還愛含泥起屋仔盡無閒。」

阿水：「阿福伯！感謝您。」

屋簷鳥阿水離開燕仔阿福伯來到愛河脣个公園，並看著三合院，心想這係阿福伯所講个客家文物館。

阿水：「哇！都市裡肚有恁靚个所在，異無簡單。」

屋簷鳥阿水停在文物館峨頭頂高看一下，有牛仔、鵝仔、鴨仔、羊仔，全部都毋會動，恬恬企在該。

阿水看著該片有斑鳩就飛過去問。

阿水：「麼个叔啊？佢係阿水。」

阿奎叔：「阿水你好，佢係阿奎，有麼个事咩？」

阿水：「阿奎叔，這兜動物仰毋會動呢？」

阿奎叔：「你這隻大憨牯，這兜動物係雕像，故所以毋會動。」

阿水：「這係做麼个用呢？」

阿奎叔：「這兜係分人欣賞用。」

阿奎叔：「唉！佢無看過你，你對哪來？」

阿水：「車城該片？」

阿奎叔：「哦！佢知也，一時續無恁著，你就係愛去臺北个屋簷鳥阿水哦。」

阿水：「就係佢啦！」

阿奎叔：「登真囉，在這位附近遠奈一下，戴幾日再離開。」

阿水：「佢想天光日就離開。」

阿奎叔：「恁趕緊吓？」

阿水：「到臺北還有好遠个路，做毋得停下來。」

阿奎叔：「恁呢乜好，早一息歇睏天光日打早好行。」

第二日朝晨落咁細雨毛仔，屋簷烏在屋頂涿等雨，心肚想毋知愛落到哪久。

阿奎叔：「阿水！恁早。」

阿水：「阿奎叔，恁早。」

阿奎叔：「你在這想麼个？毋係愛去臺北吓？」

阿水：「這天時緊落雨毛仔，毋知愛落到那久？」

阿奎叔：「朝落毋過晝，毋使愁，下晝天時會變好。」

阿水：「嘎偃下晝做得出發。」

阿奎叔：「下晝向北飛，你會看著蓮池潭同半屏山，一直去就做得。」

到咁下晝頭，東片天頂上有一座天弓，斑鳩阿奎叔看著就同屋簷烏阿水講。

阿奎叔：「阿水，你看東片天頂上有一座天弓，天時會變好咁。」

阿水：「仰般講？」

阿奎叔：「有一句話講『東弓晴，西弓雨。』，故所以天時會變好咁，你遠遠好出發咁。」

阿水：「阿奎叔，感謝你，偃先走咁哦。」

阿奎叔：「順行哦！」

屋簷烏阿水飛過蓮池潭同半屏山，繼續手向北飛。

飛！飛！飛！

屋簷烏阿水一路上緊飛，緊想：「有一日偃會去到臺北，臺北會在偃个腳下。」阿水一下仔飛過田坵，一下仔飛過河壩，屋仔、菜園在阿水腳下過。

阿水來到了彰化看著一隻烏了鳥嫵嘴含等蟲仔緊叫咿，叫到膝頭就會出目汁，阿水飛過去安慰烏了鳥嫵阿宏嫂。

阿水：「阿宏嫂！仰般恁傷心，發生麼个事呢？」

阿宏嫂：「毋知麼人將偃个烏竇全部打爛忒，偃个俵仔、妹仔做下橫在地泥下，全部死忒咁，尋蟲仔歸來愛分細啞食，看著恁呢仰般毋傷心。」

阿水：「阿宏嫂！這兜人實在還天壽，這下仰結煞正好，恁無良心破壞人个家庭。」

傷心到目汁緊跌个阿宏嫂就講：「偃會堅強再建立偃个家庭，毋使愁啦！聽講南部有一個後生仔屋簷烏愛去臺北，該係你咩？」

阿水：「係啦！偃想去臺北看看哪。」

阿宏嫂：「頭前無幾遠有鷓婆愛細義，偃就無送你囉！」

阿水：「阿宏嫂，承蒙你，偃會細義，你愛堅強生活下去。」

阿宏嫂：「放心，偃會堅強再建立偃个家庭！感謝若个關心，愛順行。」

阿水：「阿宏嫂！有機會來去吾屋下寮。」

阿宏嫂：「有機會偃定著會去拜訪你。」

阿水：「定著愛保重哦！」

就恁樣阿水離開這傷心个阿宏嫂。

目一眨，鷓婆在天頂衝下來。

屋簷烏阿水分這鷓婆嚇著會死，拚命飛，先飛再講。

練咧一身飛行技術个屋簷烏阿水東閃西閃，一下飛上，一下飛下。

汗流脈落个阿水，無兩下手板，阿水分這鷓婆阿志腳爪一扭，就飛毋走。

阿水：「阿志哥！你做毋得食佢。」

阿志：「仰般講佢做毋得食你，佢三日無食東西，肚飢啊會死，堵好分佢做當晝食。」

阿水：「阿志哥！佢有理想，佢想去臺北看看哪，佢愛完成佢个願望，拜託你放佢走好無？」

阿水就將一切事情同路上所堵著个事摺鷓鴣婆阿志講。

阿志：「盡久無看著恁有志氣个鳥仔，若个事佢有聽過，毋過佢肚飢啊會死。」

阿水：「人講『鷓鴣婆毋食五里雞。』佢毋係戴這也毋係雞，毋過請放佢一條生路。」

阿志：「講出分佢做得認同个理由來。」

阿水：「猛禽也有仁慈个一面，你講著無？」

阿志：「好！看你恁有心，放你一條生路，愛去臺北向北行就做得。」

阿水：「阿志哥！感謝你！」

阿志：「向北行經過山頂愛細義，人類會牽網捉月鴿仔，係無細義分網網著就死無命。」

阿水：「阿志哥！承蒙你！佢會細義。」

阿志：「祝福你。」

阿水：「阿志哥！佢先行，有閒來寮！感謝你！」

阿水就恁樣有驚無險再向北行，續下去飛完个行程。

飛！飛！飛！煞猛飛，飛過恁遠个路，經過恁多个事情，屋簷鳥阿水也慢慢大也。

飛過了河壩，飛過了田坵，飛過了幾下粒山頭。

「救命哦！麼儕來救佢啊？」

阿水聽著有人喊救命，就拼命飛過去，看著月鴿仔阿華分網仔網著，在該喊救命，脣頭還有幾隻分網仔網著，分日頭曬燥个鳥仔。

阿華氣杳杳仔講：「麼个哥！拜託你救佢！」

阿水：「莫緊張，佢安著阿水，佢來用嘴磨斷網線救你出來。」

就恁呢屋簷鳥阿水用嘴來磨網線，磨久以後，嘴也磨出血，月鴿仔阿華也氣杳杳仔無力在網上，也無辦法飛走。

這個時節，鷓鴣婆阿志就過來搵手，用嘴磨斷網線救出月鴿仔阿華。

阿華：「感謝你等兩儕，佢等來做個朋友。」

阿志：「好啊！佢因為毋放心阿水正踅等來，毋過屋下還有事情，佢愛先轉屋下，有閒來寮！佢等會係好朋友。」

鷓鴣婆阿志就打開翼胛一飛就向南飛轉屋下。

月鴿仔阿華為了報答屋簷鳥阿水个救命恩情，就帶等阿水繼續向北飛。

屋簷鳥阿水同月鴿仔阿華飛到龍騰斷橋，山頂落等細雨毛仔。

阿水：「阿華哥，佢看恩兩儕在這歇一暗晷，天光日正來飛。」

阿華：「乜好！分網仔網著个傷，還言完全好，歇一暗晷來。」

阿水：「這位風景看起來異靚，這橋仔仰般會斷節呢？」

阿華：「頭擺橋仔頂高係行火車，因為地動个關係續來斷節，今下火車行過該片去哩。」

阿水：「落雨毛仔加上這龍騰斷橋，看起來異有詩情畫意。」

阿華：「欣賞一下來，並整理一下羽毛，天光日好再向北行。」

天時漸漸暗，山頂共樣落等細雨毛仔，有了寒意，月鴿仔阿華圓身緊打激顫。

阿水：「阿華哥，你係寒著咩？」

阿華：「傷還完全好，抵抗力較弱一息，應該無問題。」

阿華：「過來俵个翼胛底下！分俵措等你就毋會寒著。」

阿水：「若个身仔無問題敢怕？」

阿華：「毋使愁，俵係有訓練過个，歇一暗晷就好，遽遽過來俵个翼胛底下。」

阿水：「恁呢敢好？俵去含一息草來做竇較毋會冷。」

阿華：「毋使地，天時會暗地，這下出去會有危險，乜赴毋掣，遽遽過來俵个翼胛底下，較毋會冷。」

阿水：「好！感謝你。」

阿水就跳呀跳，跳到月鴿仔阿華翼胛底下，阿華用翼胛措等阿水，像措自家个細人樣仔，就恁呢度過一個冷冷个暗晷頭。

第二日，食過朝，屋簷烏阿水同月鴿仔阿華共下再向北行。

飛到新竹，九降風一直吹，天時也漸冷。

月鴿仔阿華同屋簷烏阿水兩儕忍等恁冷个天時。

阿華：「阿水！有問題無？」

阿水：「還做得。」

阿華：「過地新竹會到桃園臺地，該片有盡多个陂塘，生態異豐富做得歇睏一暫。」

阿水：「好啊！」

兩儕忍等九降風同恁冷个天時一直來到桃園臺地。

阿華：「阿水！有看著無？」

阿水：「底下有陂塘。」

阿華：「恩飛下去歇睏。」

阿水：「這位當靚。」

阿華：「該片有水鴨也有白鶴仔，表示這陂塘有魚仔。」

阿水：「哇！這位有水揚尾仔哩。」

阿華：「這附近有當多个陂塘，聽講頭擺係引水用。」

阿水：「恁呢盡好啊。」

阿華：「毋過這下減少盡多，時代改變陂塘緊來緊少，盡打爽。」

阿水：「有人保護陂塘無？」

阿華：「有。」

阿水：「這附近田坵脣仰會有種一排一排个樹膠竹仔呢？」

阿華：「哦！這係風圍，係抵風个。」

阿水：「抵風？」

阿華：「無毋著！上背有九降風，避免耕作物受風寒，影響著生產量。」

阿水：「哇！還生趣呢！」

阿華：「恩在這歇睏一暗晷，天光日好續等向北行。」

阿水：「好哇！」

第二日屋簷烏阿水在月鴿仔阿華帶領之下向北飛。

阿水：「你看哪！」

阿華：「麼个東西？」

阿水：「該長長像蟲仔樣吔，走啊恁遽。」

阿華：「該係高速鐵路係火車个一種，愛記得囉！做毋得飛忒兼盡危險。」

阿水：「吾故鄉無高鐵，這係第一擺看著。」

阿華：「會到淡水河哩哦，頭前該條大河壩就係淡水河。」

阿水：「在吾故鄉無幾遠个所在也有一條下淡水河，今下个人講高屏溪。」

阿華：「吾主人識載偌去該位訓練飛，故所偌知該條高屏溪大河壩。」

屋簷烏阿水同月鴿仔阿華來到淡水河脣，冷風一直吹，也因為闊，故所風大又特別冷。

阿華：「這所在就係淡水河，再飛過去對面就係臺北該片，最後目標就到吔，一切愛靠自家吔。」

阿水：「正經个！河壩該片就係臺北。」

阿華：「去到臺北會看著一棟盡高个大樓係壹零壹。」

阿水：「有幾高？」

阿華：「偌斯毋知，毋過聽講該係世界最高个建築物。」

阿水：「哇！正經个唷！」

阿華：「阿水！偌出來恁多日咧，吾主人在屋下定著在該愁，偌愛先轉屋下。」

阿水：「好啊！感謝你，愛細義。」

阿華：「愛感謝个係偌，愛細義哦！有閒來吾屋下寮，吾主人會準備盡多好食个分恩裡，你愛過來哦！」

阿水：「好！有機會偌會去拜訪你。」

月鴿阿華離開後，剩著屋簷烏阿水一儕面對這條大河壩淡水河，心想飛過淡水河就做得完成願望，翼胛一張就飛起來。

阿水：「飛呀！飛呀！臺北偌來囉！」

無想著淡水河頂高个風非常个大，屋簷烏阿水飛起來相當食力。

風浪恁大，過河个船仔在水上搖啊搖。

阿水一下分風吹偏忒，一下分風吹倒退，強強會飛毋過去，臨尾無法度正飛轉八里這片等機會飛過去。

一直等到臨暗仔，日頭會落海該片，河壩水跔等海水退潮了，屋簷烏阿水看著泥上有盡多个毛蟹，就飛過去。

阿水：「毛蟹哥！毛蟹哥！……」

逐隻毛蟹囧入空肚毋敢出來。

阿水：「毛蟹哥！毋會食你兜，偌想借問一下，去臺北愛仰般過淡水河？」

毛蟹阿金定定仔爬出來，螯擎高高，目珠金金看等屋簷烏阿水，就驚分阿水食忒。

毛蟹阿金就講：「毋會食偌兜？」

阿水：「正經个！偌毋會食你兜，偌係愛去臺北。」

阿金就講：「偌兜是泗水過去，偌看你坐船仔過去較省事。」

阿水：「坐船仔？做毋得，偌想靠自家个力量過去，故所偌做毋得坐船仔。」

阿金：「有這種想法當好，恁呢加兩日仔這風會較細一息，愛過去就較簡單。」

阿水：「承蒙大家，俵再等幾日看哪。」

阿金：「這位風景毋會差，來吔就四界遶遶看看哪，等過兩日仔風會較細一息再過去。」

阿水：「承蒙大家。」

阿金：「俵兜做毋得留忒久，會有危險，俵兜東西食食啦就愛走咧。」

等過吔兩日，風有較細息把仔，毋過風也異大，阿水就認真飛煞猛飛，克服種種困難總算飛過淡水河。

阿水飛過淡水河到臺北哪就緊看緊察。

有一日，來到總統府頭前，看著幾萬人在該共下喊東喊西。

阿水：「正經看毋識臺北人在該喊麼个東西，再來別位看哪耶。」

過了毋知幾多日，來到立法院个窗門，看到屋肚盡多人火氣盡大，心肚就想這兜人吱喳蓋像屋簷鳥共樣講毋停。

阿水一想到屋簷鳥，正想到自家係屋簷鳥，開始緊張起來，離開爺哀恁久，這下愛仰般歸屋下，越飛就越緊張，長期个飛行同體力个使用也瘰吔，飛呀！飛呀！就昏忒，在天頂跌下來。

好死毋死跌落一隻正愛撻入飛行機个貨箱頂高，就恁呢跌落貨箱頂過坐上飛行機。

等到阿水醒來，在飛行機肚緊張毋知愛仰般正好个時節，飛行機也降落機場。

飛行機門一打開，一緊張遽遽飛出去，先飛吔再講。

飛行機肚光線係暗个，飛出外背光線忒光會箭人，一時目珠續來擘毋開，好彩在機場恁闊毋會撞著東西，等到阿水目珠慢慢適應過後，目珠撥金一看，感覺這所在盡像來過。

阿水：「俵歸來吔！俵歸來吔！這係俵屋下脣个機場。」

阿水：「阿爸！阿姆！俵歸來吔！」

暢到會死个屋簷鳥阿水遽遽飛歸屋下。

就恁樣勇敢个屋簷鳥順利完成心願，平安歸到屋下。

阿水大聲喊：「阿爸！阿姆！俵係阿水啦，俵歸來吔！」

阿姆：「阿水！阿水！你真實歸來吔！」阿姆暢到目汁就跌下來。

阿水：「阿姆！俵歸來吔！」

阿姆：「歸來就好，歸來就好。阿彌陀佛！佛祖保底俵个阿水歸來吔。」

阿水：「阿姆！俵無事啦！」

阿水：「阿姆！這仰會有兩隻子鳥呢？」

阿姆：「這係若細老弟同細老妹，同你還細時節共樣，正生細毛菇看起來忒忒，也異得人惜。」

這個時節阿水盡暢自家有老弟同老妹。

阿水心肚一恗：「阿姆！毋著呢？」

阿姆：「仰般毋著？」

阿水：「阿姆您講這係俵个細老弟同細老妹。」

阿姆：「無毋著。」

阿水：「意思時講俵還有大老弟同大老妹？」

阿姆：「係呀！」

阿水：「仰無看著呢？」
 阿姆：「佢等同若爸共下去參加這擺个飛行技術比賽。」
 阿姆：「應該比啊差毋多吔，等下會歸來吔。」
 阿水：「恁厲害唷！」
 阿姆：「這係佢等屋下个傳統！」
 阿水个大老弟阿淦在外背傳來聲音：「阿姆！阿姆！佢等歸來吔！」
 阿水个阿爸同大老弟阿淦同大老妹姊妹三儕在外背歡喜歸來。
 姊妹：「阿姆，這擺佢等係得著親子組个頭等。」
 阿姆：「毋好忝放忝這係佢等屋下个傳統哦！」
 阿淦：「這係？這係去臺北个阿水大哥哥咩？」
 阿水：「無毋著！佢就係大哥哥阿水，去臺北歸來吔。」
 姊妹搶等講：「臺北好奈無？講分佢聽。」
 阿爸：「好吔，今晡日一家團圓，又得著親子組个頭等！大家盡歡喜。」
 阿姆：「暗晡夜愛好好慶祝一下。」
 姊妹：「今晡日天時恁好，暗晡夜外背定著有星仔瀉屎好看。」
 阿爸：「好哦！等下共下上屋頂來慶祝一家團圓，又做得看星仔瀉屎許心願。」

全家大細歡喜上屋頂共下慶祝，阿水將去臺北个經過講分大家聽。

大家歡喜就唱起歌仔：

「佢係勇敢屋簷鳥，細細圓身瘦瘦腳，行起路來跳跳跳，嘍嘍喳喳係唱歌，全家大細有禮貌，飛行技術樣樣會，你佢共戴一伙房，大家就係一家人。」

創作理念

本文以卡通的方式描述一隻小麻雀為了傳承傳統飛行技能，努力學習飛行技術，更為了理想勇敢冒險的精神，克服種種困難，在冒險的旅途中，可看到鼓勵、友善、親情、感恩的一面，也可看到猛禽也有善良的一面，也就是「性本善」，小小故事傳達勇敢、善良、感恩，雖是小動物確是人們學習的對象。

吳聲森

行政院客家委員會南部聯絡處委外人員

